

1. ARTIKULUA

Zergatik partaidetzazko aurrekontu hori?

Gipuzkoako Foru Aldundiak eta Pirinio Atlantikoetako Departamentu Kontseiluak bi lurraldeen artean loturak sortzen dituzten proiektuak garatzen lagundu eta animatu nahi dituzte bertako biztanleak.

2. ARTIKULUA

Nork aurkez dezake proiektu bat?

Gipuzkoan bizi bazara:

- 16 urtetik gorako edozein herritarrek, bakarka nahiz taldean.
- Irabazi asmorik gabeko herritarren erakundeak, edozein dela ere haien forma juridikoa eta izaera, baldin eta interes kolektiboak defendatzea badute helburu.

Pirinio Atlantikoetan bizi bazara:

- 11 urtetik gorako edozein herritar edo herritar talde (baldin eta erreferentetzat 16 urtetik gorako pertsona bat badute).
- Edozein pertsona fisiko edo juridiko.
 - o Pertsona fisikoak entitate juridiko bat (elkartea, fundazioa) sortu edo haren laguntza izan beharko du, bere proiektua bozkatua izan dadin eta, irabazle suertatzen bada, laguntzak jaso ditzan, baina hori ez da baldintza izango proiektua aurkezteko unean.
 - o Entitate juridikoa elkarte edo fundazio bat izan daiteke. Enpresak ez dira hautagarriak.

Proiektu bakarra aurkez daiteke, non eta beste proiektu baterako lankidetzazko desberdina osatzen ez duen.

3. ARTIKULUA

Zein proiektu dira hautagarriak?

Proiektu bat hautagarria izan dadin, baldintza hauek bete behar ditu:

- Helburutzat izatea «Gipuzkoako eta Pirinio Atlantikoetako biztanleen artean loturak sortzea»,
- Horretarako prestatutako formularioan xehetasunez aurkeztea,
- Interes orokorrekoa izatea (ez komertziala),
- Funtzionamendu eta/edo inbertsio gastuak ordaintzea (ekipamendua, webgunea, prestakuntza, etab.).

4. ARTIKULUA

Nola aurkeztu proiektu bat?

Proiektuak www.gipuzkoa64.eu web orrian eskuragarri dagoen formularioaren bidez aurkeztu behar dira, zuk aukeratutako hizkuntzan: gaztelaniaz, frantsesez edo euskaraz.

Aurkezteko epea: 2022ko urtarilaren 27tik 2022ko martxoaren 11ra, biak barne.

Gipuzkoako eta Pirinio Atlantikoetako lankidetzazko proiektu bat aurkeztuz gero, formulario bat baino ez da bete behar.

5. ARTIKULUA

Nork eta noiz egingo du proiektua?

Proiektua proiektuaren sustatzaileak egin behar du nahitaez, izan herritarra, herritar taldea edo elkartea, irabazleak izendatu eta gehienez ere 18 hilabeteko epean.

Pirinio Atlantikoetako proiektuetarako: proiektuaren sustatzailea pertsona fisikoa bada, pertsona juridiko baten (elkartea edo fundazioa) laguntza izan beharko du proiektua egiteko (2. artikulua).

Gipuzkoako proiektuetarako: Proiektuaren sustatzailea adingabea den kasuetan, proiektuaren buru izateko ardura hartuko duen adin nagusiko pertsona baten edo pertsona juridiko baten (elkartea, fundazioa) laguntza izan beharko du. Sustatzailea pertsona heldua bada, zuzenean hartuko du bere gain proiektua gidatzeko zeregina.

6. ARTIKULUA

Zeintzuk dira laguntza finantzarioak?

300.000 euroko aurrekontu orokorra gorde da proiektuak gauzatzeko. Gipuzkoako Foru Aldundiak eta Pirinio Atlantikoetako Departamentu Kontseiluak 150.000 euro jarriko dituzte bakoitzak.

Proiektua Gipuzkoan aurkeztu bada, Gipuzkoako Foru Aldundiak finantzatzeko du. Era berean, Pirinio Atlantikoetako Departamentuan aurkeztutako proiektuak Pirinio-Atlantikoetako Departamentu Kontseiluak finantzatzeko ditu.

Nori ordaintzen zaio laguntza finantzarioa?

Laguntza finantzarioa proiektuaren sustatzaileari ematen zaio.

Gipuzkoako eta Pirinio Atlantikoetako erakundeek batera edo lankidetzazko aurkeztutako proiektuen kasuan, dirulaguntzaren zenbateko osoa bazkide bakar bati ordainduko zaio¹.

¹ proiektuaren jatorri geografikoa zehazteko «lurraldea» laukitxo erabiliko da, sustatzaileak proiektua aurkezteko formularioan markatu duena.



Zein da laguntzaren zenbatekoa?

Mugaz gaindiko partaidetzazko aurrekontuak proiektuaren kostuaren % 100 finantzatu ahal izango du, gehienez ere 20.000 euro.

Proiektuak kopuru hori gainditzen badu, sustatzaileak konpromisoa hartzen du gainerakoa bere funtsekin bakarrik finantzatzeko.

7. ARTIKULUA

Nola hautatzen dira proiektuak herritarrek bozkatzeko?

Bi erakundeetako aditu teknikoek osatutako ebaluazio batzorde batek bideragarritasun teknikoak puntuatuko du, irizpide hauen arabera:

Proiektuaren kalitatea: 70 puntu.

- Proiektuaren ezaugarri orokorrak: nor? noiz? zer? zergatik? nola? noiz? eta non?
- Proiektuak gai hauek kontuan hartzeko duen gaitasuna:
 - o Gazteen parte-hartzea. 25 urtetik beherako gazteek gidatutako proiektuak edo 25 urtetik beherako gazteei zuzendutako proiektuak.
 - o Genero ikuspegia.
 - o Eleaniztasuna.

Mugaz gaindiko izaera: 30 puntu.

Proiektu bat mugaz gaindikotzat joko da, baldin eta:

- Bi lurraldeetako ordezkariak batera aurkeztzen badute eta/edo,
- Bi lurraldeentzat onuragarria bada edo bi lurraldeetan garatzen bada

Aztertutako proiektuak Gipuzkoako Foru Aldundiko eta Pirinio Atlantikoetako Departamentu Kontseiluko ordezkariak osatutako zuzendaritza batzordeari bidaliko zaizkio. Batzorde horrek aurkeztuko du herritarrek bozkatuko dituzten proiektuen behin betiko zerrenda.

Puntuazio tekniko nahikoa lortu duten proiektuak bakarrik bozkatuko dira.

8. ARTIKULUA

Nola funtzionatzen du herritarren botoak?

Bozkatu beharreko proiektuen zerrenda www.gipuzkoa64.eu webgunean kontsulta daiteke.

Bozketa irekita egongo da 2022ko maiatzaren 21etik ekainaren 17ra arte.

Nork eman dezake botoa?

Gipuzkoan:

- Gipuzkoan bizi den 16 urtetik gorako pertsona orok.

Pirinio Atlantikoetan:

- Pirinio Atlantikoetan bizi den 11 urtetik gorako pertsona orok.

Gipuzkoako Foru Aldundiak eta Pirinio Atlantikoetako Departamentu Kontseiluak botoak sistematikoki egiaztatuko dituzte iruzurra saihesteko. Iruzurra gertatuz gero (posta elektronikoko okerrak erabiltzea, nortasuna ordezte, etab.) edo iruzur susmo handiak izanez gero, zehapen hauek aplikatu ahal izango dira:

- Proiektuaren liderrak iruzurra egiten badu, proiektua ezabatu egingo da bozkatzeko zerrendatik.
- Boto-emaile batek iruzurra egiten badu: haren botoa ez da kontuan hartuko.

Nola bozkatu?

Bozketa www.gipuzkoa64.eu webgunean egingo da. Herritar bakoitzak 3 proiektu bozkatu behar ditu nahitaez.

9. ARTIKULUA

Nola aukeratzen eta finantzatzen dira proiektu irabazleak?

Boto gehien lortzen dituzten proiektuak irabazle izendatzen dira, honela:

- Gipuzkoako Foru Aldundiak Gipuzkoan boto gehien jaso dituzten proiektuak finantzatuko ditu, 150.000 euroko aurrekontua agortu arte.
- Pirinio Atlantikoetako Departamentu Kontseiluak Frantzian boto gehien jaso dituzten proiektuak finantzatuko ditu, 150.000 euroko aurrekontua agortu arte.

Berdinketa gertatuz gero, proiektuak finantzatu ahal izango dira aurrekontuko zuzkidurek horretarako aukera ematen badute. Bestela, puntuazio tekniko onena lortu duen proiektua izendatuko da irabazle.

Aurrekontuak ez badu aukerarik ematen boto kopuruagatik hautatutako azken proiektua osorik finantzatzeko, Gipuzkoako Foru Aldundiak eta Pirinio Atlantikoetako Departamentu Kontseiluak eskubidea izango dute proiektua finantzatzeko behar den zenbatekoa osatzeko.



Gipuzkoako
Foru Aldundia
Diputación Foral
de Gipuzkoa



ETORKIZUNA
ORAIN
Es futuro